

172

# ARREST

## De la Cour des Grands Iours de Poictiers.

PAR LEQUEL EST ORDONNE' QUE  
les Habitans de la Religion Pretendue Reformee  
de la ville de Montoire representeront les tiltres, en  
vertu desquels ils pretendent auoir droit de faire  
leur exercice en ladite Ville de Montoire & lieux  
circumuisins, avec desffences d'enterrer leurs corps  
morts es Cimetiere des Catholiques.



A POICTIERS,  
Par ABRAHAM MOVNIN, Imprimeur Ordinaire  
de la Cour des Grands Iours.  
M. DC. XXXV.

---

Avec Prinilege du Roy.





153  
O V Y S par la gra-  
de Dieu Roy de Fran-  
ce & de Nauarre, A  
nostre Seneschal de  
poictou, ses Lieute-  
nants General & par-

ticulier, premier des Conseillers du siege  
presidial de poictiers, sur ce premier re-  
quis, Salut: Comme le iour & dattre des  
presentes: Veu par nostre Cour des  
Grands Iours sceant à poictiers, la re-  
queste à elle presentee par les Manans &  
Habitans de la Ville de Montoire en  
Vendosmois le quinziesme Decembre  
mil six cens trente quatre, contenant  
que ceux de la Religion pretendüe re-  
formee de ladite Ville & des enuirons  
contreuenans aux Eediets de pacifica-  
tion, & notamment à l'article vingt-  
huiet de celuy de Nantes, occupent par-  
tie des cimerieres des habitans Catholi-  
ques de ladite Ville estans proche l'Eglise  
parroichiale de saint Laurens où ils en-  
terres leurs morts avec scandalle & trou-

A u

ble du Diuin seruice qui pourroit causer  
 seditions populaires , comme aussi sans  
 aucune permission du Roy veriffiee en  
 la Cour , font l'exercice de leur dite Re-  
 ligion pretendue reformee publicque-  
 ment en ladite Ville en maisons priuee  
 de ladite Religion sises au milieu de deux  
 Eglises , & fort proche d'elles , sans seu-  
 lement auoir la permission du sieur Duc  
 de Vendosme , Seigneur haut Iusticier  
 de ladite Ville ; De plus que les Gentils-  
 hommes de ladite Religion pretendue  
 reformee qui ont haute Iustice font fai-  
 re ledit exercice public en toutes les mai-  
 sons de leur dite haute Iustice , mesmes  
 en leurs absences, encore que par l'arti-  
 cle sept dudit Edict de Nantes , il ne  
 soit permis, sinon qu'ils y soient presens  
 & non autrement, & doiuent opter l'y-  
 ne de leurs maisons , & ceux qui n'ont  
 haute Iustice, combien qu'ils ne puissent  
 faire l'exercice de ladite Religion prete-  
 due reformee que pour leur famille seu-  
 lement en leurs maisons , ne laissent

neantmoins d'y recevoir & assembler  
celles de leurs amis, requeroient lesdicts  
habitans Catholiques, conformément  
ausdits Edicts & à l'Arrest de ladiète  
cour du seiziesme Septembre dernier,  
deffences estre faites ausdits habitans de  
la Religion pretendue reformee de ladite  
Ville de Montoire & lieux circonvoi-  
sins, de ne plus enterrer leurs morts au  
cimetiere de ladite Eglise saint Laurens,  
à peine d'estre les corps tirez de terre &  
de mil liures d'amende, ensemble de fai-  
re l'exercice de leur dite Religion en leurs  
maisons priuee en ladite Ville & faux  
bourgs sans le consentement dudit sieur  
Duc de Vendosme haut Iusticier, & ou-  
tre qu'il fust enjoinct aux Gentils hom-  
mes qui ont haute Iustice au Vendos-  
mois opter pardeuant le Baillif dudit  
Duché ou ses Lieutenans l'une de leurs  
maisons de haute Iustice pour y auoir  
exercice de ladite Religion pretendue re-  
formee, sans qu'ils peussent faire ledit  
exercice en leurs autres maisons, ny mes-

mes en celles optee sinon en leurs presen-  
ces, & que quád à ceux qui n'auoiét hau-  
te Iustice, que deffences leurs fussent fai-  
tes, de faire faire ledit exercice pour au-  
tres que pour leur famille seulement, &  
du consentement des Seigneurs Catho-  
liques en la haute Iustice, desquels leurs-  
dites maisons estoient situee conformé-  
ment à l'article sept dudit Eediët, ledit  
Arrest du seiziesme Septembre dernier,  
conclusions de nostre Procureur General,  
**ET TOVT CONSIDERE'**, NO-  
**STREDICTE COVR** a ordonné &  
ordonne que lesdits habitans de la Re-  
ligiõ pretendüe Reformee de ladite ville  
de Montoire & lieux circonuoisins serõt  
assignez en icelle pour représenter les let-  
tres & riltres en vertu desquels ils preten-  
dent auoir droiët de faire exercice public  
de leur dite Religion audit lieu, & respon-  
dre aux autres fins cy dessus, cependant  
conformément à l'article vingt- huit  
dudit Eediët de Nantes, leur a fait & fait  
inhibitions & deffences d'enterrer leurs

morts és cimetières des Catholiques sur les peines indiètes par ledit Edict, Ordonnances & Arrests; Si vous mandons à la requeste de nost' edict procureur general, mettre le present Arrest à deüe & entiere execution selon sa forme & teneur, de ce faire vous donnons pouoir, & au premier nostre Huissier ou Sergent, faire tous exploicts requis & necessaires pour l'execution des presentes. Donné à poictiers esdits grands iours, le vingt-neufiesme iour de Novembre, l'an de grace mil six cens trente-quatre, & de nostre regne le vingt-cinquiesme.

Par la Chambre,  
Signé, RADIGVES.

*Collationné à l'Original par moy Conseiller &  
Secretaire du Roy & de sa Cour de Parle-  
ment.*

